



Դանիել Վարուժան

Հայր, օրհնե՛

Հայր իմ, օրհնե՛. ժամը հասավ. պիտի երթամ.

Նոր կյա՛նք մ'ինձի կը սպասե

Պատմությունն ես թողուցի. նոր արյուն

Երակիս մեջ կը վազե:

Հառա՛ջ, հառա՛ջ. - գրլուխս ետ չե՛մ դարձրներ.

Երկրնքես վա՛ր թող իյնան

Անվիշտ կյանքիս ամեն աստղեր. հոգըս չե՛.

Անցյալս իջնա թող դամբան:

Օհ, ինձի՛ ինչ թե կը փետեն վարդին թերթ,

Եվ փուշին կյանք կու տամ միշտ,

Թե գրկաբաց հորձանքին մե՛ջ կը նետվին.

Խինդս է՝ ձանձրությ, սերս է՝ վիշտ:

Ամեն խայտանք ջախջախեցին սրբտիս մեջ.

Չեմ վախենար սև ծրծեծել.

Վանք մըտնող կույս մեմ՝ որ խրզված իր վարսեր՝

Անխիղճ անհոգ, կը դիտե՛...

Հա՛յր, ես կերթամ այն ճամբայեն՝ որ ճերմակ

Մազերուդ գիգ կտանին,

Վաստակաբեր ոսկրրներուդ, ծեր սրբտիդ

Եվ սերուդ կենդանի.

Բավական է.- աշխատեցար, կրեցիր,
Ամեն նետի հարվածի
Վահան եղար ինծի համար. հոգիտ է՝
Որ հոգվույս մեջ կը հածի:

Իմ արյունս է գողացած քու քրտինքեդ.
Հոգնությանդ ծիլն եմ տըխուր:
Հոգիտ, Կաղնի՛, երբ կուրծք կուտար մըրըրիկին՝
Ես շուքին տակ, հանգիստ, լուռ

Կը մեծանայի :-Հարկ է հիմա ա՛լ հանգչիս
Եվ ես քեզի հաջորդեմ...
Խոնջե՛նք, խոնջե՛նք. կուգեմ կըռվիլ, աշխատիլ,
Ելլել կյանքին, կյանքին դեմ...

Հայր իմ, օրհնե՛. դողդոջ ձեռքերդ գըլխուս դիր.
Թող մատերդ կաթի վայր
Աղոթքդ՝ եկած հոգվյուդ պայծառ խորանեն:
Վերջին ժամն է. օրհնե՛, հայր: